

10/230 **NOMEAMENTO DE DIRECTOR XERAL DE URBANISMO. 2026/G004/000362-** Examinado o expediente tramitado para os efectos e visto o informe proposta da secretaria xeral do Pleno, do 8 de xuño de 2026, conformado pola Alcaldía, na parte expositiva do cal se fai constar:

“Examinado o expediente tramitado para os efectos e vistos:

1. O Decreto número 4003/2026, do 12 de maio de 2026, polo que se acorda incluír na **ÁREA DE URBANISMO** a figura dun/dunha DIRECTOR/A XERAL DE URBANISMO coas funcións que lle atribúe o artigo 56 do ROMGA en materia de urbanismo, quedando integrados na citada dirección xeral os postos de traballo e as unidades que forman parte dos servizos de Urbanismo, Licenzas, Arquitectura e da oficina de Arqueoloxía.

2. O Decreto número 4684/2026, do 1 de xuño de 2026, no que esta Alcaldía resolve, en virtude do principio de publicidade e transparencia e de conformidade co artigo 130.3 da Lei 7/1985, do 2 de abril, reguladora das bases de réxime local, que establece que ‘O nomeamento dos coordinadores xerais e dos directores xerais, atendendo a criterios de competencia profesional e experiencia deberá efectuarse entre funcionarios de carreira do Estado, das comunidades autónomas, das entidades locais ou con habilitación de carácter estatal que pertencen a corpos ou escalas clasificados no subgrupo A1, salvo que o Regulamento orgánico municipal permita que, en atención ás características específicas das funcións de tales órganos directivos, o seu titular non reúna a dita condición de funcionario’, que se publique esta resolución no Portal de Transparencia municipal e no Taboleiro, por un período de TRES DÍAS para os efectos da presentación de solicitudes que deberán ir acompañadas do currículo relativo aos méritos de que se dispoña en relación coa área urbanística. A documentación acreditativa de tales méritos será requirida unha vez que se resolva este procedemento á persoa que resulte seleccionada.

Da antedita resolución, dáse publicidade no Portal de Transparencia municipal e no Taboleiro sen que se presentaran ata o 05 de xuño máis solicitudes de participación que a de D. Javier Arias Fouz segundo consta en informe emitido pola xefa de servizo de Participación e Atención Cidadá o 8 de xuño de 2026.

3. Tendo en conta o artigo 56 do Regulamento orgánico municipal do goberno e administración do Concello de Lugo (ROMGA) que sinala: Os directores ou directoras xerais son os/as titulares dos órganos directivos que culminan a organización administrativa, encargados, baixo a dependencia directa dun concelleiro delegado ou dunha concelleira delegada de área, dun delegado ou dunha delegada, ou dun concelleiro-delegado ou dunha concelleira-delegada, da dirección e xestión dun ou varios ámbitos de competencias ou materias funcionalmente homoxéneas integrados dentro dunha área de goberno ou concellería.

ACTAS E GOBERNO

JDR/cvr

Refº: ispac3379011827185898325.doc

Asunto: XUNTA DE GOBERNO LOCAL DO 8-6-2026

Con carácter xeral, correspóndenlles aos directores ou directoras xerais, dentro do seu respectivo ámbito funcional e de responsabilidade, as seguintes funcións:

- a) Propoñer os proxectos da súa dirección xeral para acadar os obxectivos establecidos polo ou pola titular da área de goberno na que se integra, dirixir a súa execución e controlar o seu adecuado cumprimento.
- b) Exercer as competencias que lle sexan desconcentradas ou delegadas.
- c) Propoñerlle, nos restantes supostos, ao titular ou á titular da área de goberno, ou do órgano de que dependa, a resolución que estime procedente en relación cos asuntos que afectan ao órgano ou centro directivo. Nos supostos nos que houbera proposta do xefe ou xefa da unidade administrativa correspondente, abondará con que consigne nota de conformidade ou desconformidade.
- d) Impulsar e supervisar as actividades que constitúan parte da xestión ordinaria do órgano directivo.
- e) Velar polo bo funcionamento dos órganos e unidades administrativas e servizos adscritos ao centro directivo.
- f) A elaboración dos anteprojectos de disposición, acordos e convenios respecto das materias comprendidas no seu ámbito de funcións.
- g) Apoiar ao/á titular da área de goberno, ao concelleiro delegado ou concelleira delegada e ao coordinador ou coordinadora xeral, se houbese, na planificación da actividade do seu ámbito de actuación, a través do correspondente asesoramento técnico, así como no control de eficacia e eficiencia, en canto afecte ao ámbito de actuación do centro directivo.
- h) As restantes funcións que, tendo carácter directivo, lle encomenden os órganos superiores.

Tendo en conta que o dito candidato é funcionario de carreira do corpo superior da Excma. Deputación Provincial de Lugo, grupo A1, con experiencia e capacidade profesional a xuízo da que informa, posta de manifesto no currículo que a continuación se detalla:

‘Formación académica:

- Licenciado en Dereito pola Universidade San Pablo-CEU (Madrid 1995/1999)
- Máster en Urbanismo e Ordenación do Territorio, impartido polo Instituto de Estudos Superiores da Universidade San Pablo-CEU (Madrid 1999-2000)
- Diploma de Estudios Avanzados en Doctorado en Derecho Administrativo de la Universidade San Pablo-CEU (Madrid 2001-2002)
- Máster en Dereito Ambiental impartido polo Instituto Universitario de Ciencias Ambientais da Universidade Complutense de Madrid (Madrid 2007-2008)
- Técnico Urbanista-XXXII Curso Superior de Estudos Territoriais e Urbanísticos do Instituto Nacional de Administracións Públicas (Madrid 2008-2009)

Vida laboral:

- Ministerio de Fomento-Dirección General de la Vivienda, Arquitectura y Urbanismo (Madrid, 2000)

- Abogado no despacho de Eduardo Fernández Bermejo Abogados (Madrid, 2001)
- Letrado-Asesor Xurídico e Medioambiental na Sociedade Urbanística Provincial de Lugo, S.A. (Lugo 2010-2015)
- Funcionario da Excma. Deputación Provincial de Lugo-técnico de administración xeral-Grupo A1 (Lugo 2015-2017)
- Xefe territorial da Consellería de Infraestruturas e Mobilidade da Xunta de Galicia (Lugo 2017-2020)
- Delegado da Xunta de Galicia na provincia de Lugo (Lugo 2020-2026)
- Deputado electo do Parlamento de Galicia na XII lexislatura (Santiago de Compostela, 2024)'.

Visto que o referido candidato reúne os requisitos para o nomeamento de DIRECTOR XERAL DE URBANISMO, posto que se atopa vacante dende o 1 de xuño.

Visto que a competencia para efectuar o nomeamento reside na Xunta de Goberno Local, XUSTIFÍCASE A URXENCIA para a súa inclusión na orde do día polas circunstancias vividas no Concello de Lugo nas derradeiras datas nas que a Alcaldía muda por prosperar unha moción de censura co que implica de mutación da organización municipal, circunstancia que é especialmente sensible nun concello das dimensións do de Lugo."

A Xunta de Goberno Local, con base na referida proposta e por unanimidade de todos os seus membros presentes, **ACORDA:**

PRIMEIRO.- Nomear a DON JAVIER ARIAS FOUZ director xeral de Urbanismo, e atribuírlle as competencias en materia de urbanismo e coas funcións establecidas no artigo 56 do ROMGA.

SEGUNDO.- Declarar, de oficio, en situación de servizos especiais, polo desempeño dun cargo directivo municipal, a DON JAVIER ARIAS FOUZ -con efectos dende a data de aceptación polo interesado-, de conformidade co establecido nos artigos 167.f da Lei 2/2015, do 29 de abril, do emprego público de Galicia.

O tempo que permaneza en situación de servizos especiais computaráselle para os efectos de ascensos, trienios e dereitos pasivos, e terá dereito á reserva de posto se concorren as circunstancias do artigo 169 da Lei 2/2015, do 29 de abril, do emprego público de Galicia.

ACTAS E GOBERNO

JDR/cvr

Refº: ispac3379011827185898325.doc

Asunto: XUNTA DE GOBERNO LOCAL DO 8-6-2026

En todo caso, percibirá as retribucións que figuran no anexo de Persoal incluído no orzamento xeral municipal.

TERCEIRO.- Proceder á tramitación legal e regulamentariamente establecida e á súa publicación no BOP. Unha vez resolto este procedemento, deberá presentar a documentación acreditativa dos méritos alegados ao seleccionado.